

辛未季秋

河

爪

省

立

策

圖

書

館

賢

木

張厚璋題

序

強國之要在教育教育之端在書籍書籍不完備不足言教育或備矣而傳播不廣閱讀不便不足言教育普及近世各國文化日進莫不以設立學校與推廣圖書館相輔而行學校爲教育之源圖書館則其流也學校爲教育之根圖書館則其枝也水無源則必竭無流則不長木無根則必枯無枝則不茂圖書館者蓋所以補學校之缺而謀教育之普及者也我國以數千年文化之邦圖書之富甲於五洲往者風氣未開藏書之家挾以自重不能收觀摩互助之效而文人學士又復以門戶相高寢至民衆日愚文化日衰國勢幾於不振亦足悲矣河北省立第一圖書館翔始于前清末葉而倡議最力則先兄範孫歸自美國以來默察彼邦之所以強我國之所以弱全在民衆教育之何如設立圖書館其急務也 侗於民國七年九月受任以來竊以爲天津當華北管鑰之區通商巨埠中西人士冠蓋往來商賈雲集圖書館有省立之名而無省立之實有第一之稱而無第一之績不足開通民衆豈僅關於津埠一隅於是竭盡棉薄推本先兄範孫之意以擴充設備

爲已任不數月間募集書籍圖畫雜誌日報之類無慮數千百件而每日閱覽人增至數倍以上乃與當局交涉地址欸項冀建築新館發揮而光大之追蹤歐美以爲民衆教育之基豈意言不見用事與心違福未見而禍先行民國十三年冬忽被郭松齡衛隊強佔館舍據理抗爭無效求救上峰亦無效此例一開所有各項軍隊循環盤踞不已焚書毀器損害不可名言而經費積欠不發或數月僅發幾成館員枵腹從公與頑兵雜處各勤厥職不敢告勞 侗則責無旁貸竭盡心力妥爲保護今存書籍若干皆當時血淚所遺也而以民衆教育所關國家命脈所繫既不忍坐視廢弛自不能不力爲供給始由先兄範孫墊欸千餘元繼由 侗息借二千餘元賴以維持至今念及本館之尙存則色然喜而借款尙未歸還遇債主則又怒焉憂之迨十七年秋大局畧定力請當局發欸至以去就相爭逾年僅給臨時費千元尙不足豪奢宴會一席之用而本館得之則房舍新而器具備居然開館以餉讀者內部諸待布置人少事繁日不暇給又經呼籲至年餘始批准每月經費四百八十元其^大以省立圖書館如此市立者何如第一圖書館如此第二第三者何

如成立二十餘年之圖書館如此新成立者又何如自兵燹摧殘而後所有募購一切書籍尙復裒然巨觀爲全省冠而以經費與事務相較其輕重奚止倍蓰之差哉然於舊職員外又添員司三人現正編輯_存書詳細目錄擇要說明其內容以爲閱者參攷之需惟卷帙浩繁難於刻期竣事茲先將現在概況及此後計劃泐爲一編分贈愛護本館諸君俾知十餘年來任事之艱與先兄範孫贊助之勞以及在職人員辦事之苦雖心力交瘁不辭其責者則以開通民衆普及教育之要圖當與學校並重不可偏廢其盛衰成敗尤爲人心邪正所由分家國安危所由繫不可以爲小事而忽之也

中華民國二十年九月五日

嚴侗叙於理石山房

沿革

前清光緒三十三年提學使盧公本齋鑒於津埠爲南北交通人文薈萃之區民衆約百萬餘戶急應設立圖書館以餉學者遂於本年十月委學務公所張公秀儒儲公毓軒籌備翌年五月即正式成立附設於學務公所先由郡紳嚴範孫先生將平生所收藏書全數捐贈計一千二百餘部又由兩江總督端公午橋兩廣總督張公堅白雲貴總督錫公清弼浙江巡撫增公子固山東巡撫袁公海觀吉林巡撫陳公簡史各送該省書籍若干更由直隸督署將所存書籍飭發一萬餘卷復由提學使傅公沅叔請欸購書十二萬餘卷而本館書籍遂由此大集宣統元年傅提學使雖派有本館提調一人而本館事務仍由張公秀儒辦理至中華民國元年又將提調裁去歸由學務公所社會科長韓公補青兼領二年春學務公所改爲行政公署本館無地可容始移公園北部樓房上下計十六間即今本館之地名曰天津直隸省圖書館屬於民政廳所屬之教育司司長蔡公志賡委教育科長李公琴湘兼領而館內事務仍由張公主持三年九月本館附設通俗圖

書館於東馬路六年九月加開夜館七年一月教育廳長王公叔鈞又委韓公補青爲本館名譽主管員張公秀儒調廳辦事六月復改委教育廳第二科長井公蔚青兼領本館主任九月始由王廳長改委嚴侗爲主任通俗圖書館即於斯時分立與本館均爲教育廳直轄機關初本館與通俗圖書館每月經費共一百九十元今則本館經費定爲每月二百五十元由財政廳發給未幾本館名稱更爲直隸省立第一圖書館當侗接辦之初來館閱覽者每日不過三四人經同人等竭力招待閱覽人數遂逐漸增加至室爲之滿侗又募集中外書籍雜誌報紙多種並函請本埠各報館登報代爲鳴謝盡力宣傳捐贈書籍者始由此絡繹不絕九年前王廳長請加經常費曾經省議會通過全年追加三百六十元本館員司原僅二人至此乃得增添二人名爲會計館員出納書記分擔責任以利進行自八年至十三年間閱覽與捐贈者更異常發達頗極一時之盛嚴範老亦於斯時日日來館力謀擴充未及實現而是年冬郭松齡司令駐紮公園其衛隊遂將本館強佔幾經交涉效力毫無此例一開彼往此來儼同傳舍文化機關竟變爲軍人營壘什器

全被攜走書籍隨意撕毀踐踏蹂躪不堪言狀同人等晝夜看守曲意維護故全部書籍尙未十分損失事後檢點毀壞失遺者尙不及自侗接辦以來募集所得之多也而是時經費常數月不發侗只以私人名義多方借貸維持現狀否則辦事人員必皆散去書籍更無從保存矣至十七年國民革命成功直隸省改名河北省本館遂又改爲河北省立第一圖書館仍屬河北省政府教育廳十八年由大學區發來臨時費千元於六月初領到添置棹椅始於本月二十日勉強開館重向各方面募集書籍雜誌等件內部乃得清理漸復舊觀不意至十九年八月樓頂忽然坍塌幸未傷人繼則雨水連綿室內幾成澤國物件書籍又頗有損失而本年七月教育廳復追加本館經費每月定爲四百八十元添編目助理裝訂各一人專從事編輯各種目錄至二十年一月樓房修理完善始能開館閱覽斯則本館經過與現在之大畧也

概況

(一)環境及房舍

本館位於天津中山公園內右鄰美術館左鄰國貨陳列館與市教育局遙遙相峙立地勢蕭曠空氣新潔亭臺錯落花木雜置天津本爲商業要埠團團鱗比囂競之聲徹夜不絕而此地靜肅絕塵獨得自然之真趣是以遊人咸至而好學之士遂獲得一潛修之所本館共樓房五十六楹上右八楹爲藏書室左八楹爲辦公室中十二楹爲婦女兒童閱覽室樓下左十二楹爲藏書室及出納課其餘十六楹爲成人閱覽室門外桃柳成行雜花燦爛綠蔭婆娑鋪滿庭宇故每至春夏之交士女來館多攜書散步於花間樹下而一年之中閱覽人數亦以此時爲最多焉

(二)書籍及雜誌

本館創辦伊始首由嚴公範孫捐贈五萬餘卷後陸續贈購約至二十萬餘卷歷年兵災水患稍有損失然大部分尙完好如舊約計經部居十之一史部居十之一、五子部居十之二集部居十之三近一二年來各處捐贈及新

購書籍以及西文日文書籍綜計約居十之二、五焉其中以舊鈔本及各省志書爲最可寶貴至於雜誌日報本館自購者雜誌爲五十種日報爲十三種各處捐贈者雜誌爲二百五十種日報爲十二種民衆閱覽雜誌日報與閱覽書籍者爲五與一之比而本館所存者實不足供給故必須詳慎選擇盡量訂購

(三)閱覽人數及借書性質

現在閱覽人數平均每日爲一百餘人星期六下午及星期日閱覽室內幾無隙地星期二星期三人數較少然亦不下四五十人以一年計之春秋兩季人數極多冬季較少至於借書性質從前借英文書籍及小說各種雜誌佔大部分史集兩部次之經子兩部閱覽者較少近年研究國學之風日昌月盛閱覽史集兩部者居最多數經部亦有專家參攷鈔錄

(四)用款分配

本館自前年七月起每月經費爲四百八十元用款分配綜計三大項(一)圖書雜誌(報章在內)每月平均爲七十八元居全款百分之十六、二五(二)俸薪職員工友共十一人每月平均爲二百八十二元居全款百分之五十

八、七五(三)辦公一切費用及修繕費每月平均爲一百二十元居全款百分之二十五

(五)工作分配

本館自民國十九年七月增加經費添聘職員始能按照豫定計畫稍稍順次進行而人少事繁仍屬不敷分配今將各室事務總括如下

(1)總務室

館長以外尚有職員二人凡本館對內之工作步驟對外之交際聯絡及審查新書雜誌以便購取一切計畫皆豫定方法分派各室督促進行職員二人一司庶務會計一司裝訂謄寫竿牘積疊極形忙迫

(2)編目室

職員三人現以總登記及編卡片目錄爲最緊要之工作現已登記四千零九十七種三萬四千七百零三冊編就卡片一千六百三十三種次則爲編輯詳細目錄先自集部起首今已編至明代別集共五百三十種惟書籍說明書一項去年曾經印第一冊後以工作紛雜未能繼續出版

(3)出納室

職員二人每日閱覽人數平均一百餘人星期六星期日人數最

多甚至座位不足閱者鵠立職員取納應接不暇且室內書籍歷年增加地勢既隘取納似覺不便今年將兒童書籍放置樓上另組織兒童出納部騰出樓下出納室內隙地以便放置新書

計畫

(一)書籍總登記

自民國十三年後本館爲兵士佔據此往彼來書籍遂凌亂不堪幸十七年全國統一地方肅靜本館開始整理重新登記而十九年八月樓頂坍塌陰雨連綿室內幾成澤國同人等涉水搬運始免全部浸壞然次序紛亂非復舊觀直至是年十一月稍稍修葺開館閱覽二十年一月開始查點冊數卷數部數作三次總登記夫圖書館以分類編目爲最重要之工作而刊印總目排列書籍亦爲不可緩之企圖然必俟總登記稍有眉目始能次第舉行故提綱絜領實應以總登記爲第一步工作

(二)分類 編目

(甲)分類

本館所藏中國舊書居最大部分自然科學及外國文書籍實佔少數若完全採用杜威十進法則削足就履不適於用若沿襲四部舊法又不合於科學之性質如四部中之子部包羅萬有衆流所歸故必須詳爲分割各以類附子部之名本不足以籠括一切也又如後代之集部則著作人之思想學術事蹟政見胥寓於其中與古代

諸子性質亦頗相同不宜概目之爲文學也至於近年來出版之新書種類繁多絕不能按照四部強之入範若舊書遵守四部新書另立標準似乎眉目清楚然兩種標準是否相容枘鑿不入等於不分且新舊界限以何爲準強立疆域大背學術之性質閱者及出納員必致茫無適從排列取納皆感不便以上諸問題實非短時間所能解決者惟本館現既以總登記爲先務故仍按照舊書目分爲經史子集叢五部其新購書籍有超出五部之外者暫採用劉國鈞中國圖書分類法稍示區別以便檢查至總登記畢再將本館書籍按類標識分別主體附庸以歸納方法計量書籍之性質共分若干種類然後審察已通行之分類法其與本館相宜者或完全採用或畧加變通庶進行無礙運用自如

(乙)編目

(1)書名著者筆畫三種目錄卡片

今擬先編書名著者兩種目錄卡片後按照

筆畫及永字八法編筆畫目錄卡片至於主題參照等目錄卡片則暫從緩焉

(2)簡明總目錄

本館舊有書目十一冊今已隔二十年實應重編與卡片相輔

而行俟總登記畢此種目錄卽陸續排印

(3) 詳細目錄

此種目錄專爲參攷之用稍述內容標明版本惟工作繁難進行

未能太速

(4) 孤本善本目錄

本館歷年收藏雖少宋元佳刻然孤本善本亦頗足寶貴是

應從總目錄析出另外保存以備參攷

(二) 購置新書標準

本館爲省立機關於內外古今之圖書均宜兼收並蓄資助

學者以深造之機會供給民衆以相當之知識惟本館經費有限自難普遍購置故選擇書籍應採一定之標準現定之標準有二(一)書籍之內容(二)民衆之需要本此兩種原則是以本館購書以黨義及社會科學兒童書籍爲主各種雜誌次之自然科學又次之近來金價奇騰外國文書籍價值因之日增月益故暫從闕焉然亦有因書之價值不甚昂貴而爲名人著作者亦酌量購買至於本省之文獻志書及鄉賢遺著則尤當極力採購

(四)鈔錄舊書

本館收藏孤本善本頗堪珍貴急應及時鈔錄公諸國人每思我國古籍失傳國粹淪陷有不勝太息者。而宋云亡海源流散實我國文化上一大厄運也。賈豎高價居奇富豪徒資陳設書之價值愈貴而其失亡也亦愈易若不廣爲翻印散布人間行將家傳戶誦之書直同宋本而寒峻學子必至無書可讀本館所以極力提倡鈔錄翻印者蓋以此也。近年來北平北海圖書館借鈔一甌筆存唐宋名賢百家集以六正五之齋琴學祕譜天津商務印書館借鈔羣仙慶壽蟠桃會天津華石斧先生借鈔陳鱣評類篇杭州樊漱圃先生來函委託本館鈔錄趙注絳守居園池記林子有先生委鈔紫雲詞青衫詞果能如此展轉鈔錄或蒐資翻印則於我國文化上不無裨益至於本館殘闕書籍時亦抽暇盡量鈔補成爲完帙

(五)試辦巡迴書庫

巡迴書庫創之西人我國仿行成效頗著本館地址偏北交通不便尤有設立巡迴書庫之必要故於十八年春與東馬路省立第一通俗圖書館商

妥請該館代爲出借已閱二年借書者甚屬寥寥此蓋由民衆知者不多亦由兩館員司太少不能專心於此去年冬又與南開市立第一圖書館接洽交換書籍俟有成效再商議籌辦正式巡迴書庫

(六)設立範孫書庫

本館創始於盧公木齋而二十年來維持推闡之者則亦嚴公一人之力且館中藏書多爲範孫先生舊物琳瑯滿室題識仍新追懷先賢不勝欽挹去年教育廳曾令本館特闢一室名曰範孫書庫紀念嚴公本館擬俟書籍整理稍有眉目當遵令籌備

(七)預備參攷室

歷年來館閱覽者以瀏覽報章雜誌及各種筆記詩文爲最多然亦有學者研究一種問題搜集資料以爲參證二者似不宜聚於一處將來應另闢一室預備學者應用之工具書籍以供參閱

以上計畫皆就本館力之所及者粗定規模循序進行然今日最大之問題有二一爲擴充館舍購置書衣使書籍各以類附順次排列以免積疊叢置取納費時之弊一爲影印